




Ang Matalinong Palaka
Sat Dich
Sorn Srey Neang



Si Joke Joke ay palaging abala sa paggawa ng mga bagay. Hindi niya ibig magtampisaw at siya ang pinakapayat sa kanilang lahat. Ang ibang palaka ay nagtatawanan dahil siya ay kakaiba.



Isang araw, nakalimutan ni Joke Joke na mananghalian dahil nagtrabaho siya ng husto sa kaniyang pinakabagong proyekto! Nagsimulang sumakit ang kaniyang tiyan.



Tumakbo siya nang mabilis pauwi ng bahay.
Sa pagmamadali niya, siya ay natisod at
nahulog!



"Nanay, gutom na ako! Nasaan po ang aking pananghalian?" tanong ni Joke Joke pagdating ng bahay. Nakahiga sa kama ang kaniyang nanay. Hindi maganda ang hitsura nito.

"Anak, masama ang aking pakiramdam. Nahulog ako sa imburnal habang naghahanap ng pagkain. Ang mga kemikal ay nagdulot sa akin ng pantal at hindi ako makatayo. "

"Kailangan kong makapunta sa bundok at

humanap ng gamot para sa inyo Nanay."

Napaubo ang Nanay ni Joke Joke at nagsabi, "

Hindi, masyadong malayo at mapanganib."

"Huwag kang mag-alala Nanay, matapang ako at mautak. Kaya ko iyon!"



Umalis si Joke Joke patungong bundok.
Narating niya ang isang malaking ilog. Paano
niya tatawirin iyon?



Maya maya'y isang boteng plastik ang lumutang lutang. Nagkaroon ng ideya si Joke Joke!

"Gagamitin ko ang bote sa paggawa ng bangka na lulutang patawid ng ilog."



Naging mahusay na bangka ang bote. Subalit pinalibutan si Joke Joke ng langkay ng mga isda.


"Saan ka pupunta, palaka?" tanong ng pinakamalaking isda.

"Pakiusap huwag mo akong kainin," pagsusumamo ni Joke Joke. "Kukuha ako ng gamot para sa aking nanay na may sakit." Naawa ang isda kay Joke Joke kaya itinulak nito ang kaniyang bangka sa tamang

direksiyon.



Hindi nagtagal, nakakita si Joke joke ng mga palaka. "Ang gandang bangka! Sigaw ng isa. "Salamat sa iyo," sagot niya. " Alam niyo ba kung saan ang bundok?" "Oo, maituturo namin sa iyo!"



Masayang naglakbay sina Joke Joke kasama ang kaniyang mga bagong kaibigan. Nakinig sila sa kaniyang mga ideya at hindi siya pinagtawanan. Subalit nag-aalala pa rin siya sa kaniyang nanay.



Hindi nagtagal, natanaw na nila ang bundok at oras na rin para umuwi ang mga palaka. Kailangang maging matapang ni Joke Joke at makapagpatuloy siya mag-isa.




Sa wakas at narating na rin niya ang lugar sa bundok kung saan tumutubo ang espesyal na mga dahon. Ang mga dahong ito ay siyang magagagamot sa kaniyang nanay.

Yehey! Nagawa ko! Sigaw ni Joke Joke.



Noong handa ng umuwi si Joke Joke ay may naisip na naman siyang magandang ideya.
"Ang mga palutang-lutang na plastik bag sa hangin ang maaaring magdala sa akin pauwi!"



Tumalon si Joke Joke sa hangin!
Ngunit biglang umulan, na nagpabagsak sa
kaniyang parasyut galing sa langit.



Isang malakas na kalabog, nahulog si Joke
Joke sa isang elepante.

Nagulat ang elepante. "Ano ang nasa likod
ko?"

"Ako ito, si Joke Joke na palaka. Sinusubukan
kong humanap ng paraan para makauwi para
ibigay sa nanay ko itong gamot. Maaari mo
ba akong tulungan?"



Malakas na hinagis ng elepante si Joke Joke sa ere.

"Woohoo! Mabilis na akong maka-uuwi!"
bulalas ni Joke Joke.

Ngunit nakita ng isang gutom na lawin ang
palaka na lumilipad sa hangin.



"Nakuha na kita, palakang gubat!" hiyaw nito. "Huwag mo akong kainin!" pagmamakaawa ni Joke Joke. "Kailangan kong dalhin itong gamot para sa aking nanay. Malubha ang kaniyang sakit."

"O sige, tutulungan kita," sang-ayon ng lawin. "Napakapayat mo naman para gawing pagkain."

Dinala ng lawin si Joke Joke pabalik sa kaniyang tirahan.



Nanay, andito na po ako!" Dala ko na po ang gamot para sa inyo!"



Bumuti ang kalagayan ng nanay ni Joke Joke.
"Paano ka nakarating sa bundok at nakabalik?" tanong niya.

Ikinuwento ni Joke Joke ang kaniyang mga pinagdaanan at kung paano niya ginamit ang mga basura para makagawa ng mga gamit na nakatulong sa kaniya sa paglalakbay.

"Hangang-hanga ako sa 'yo, Joke Joke," sabi ng kaniyang nanay.



Hindi na nag-alala si Joke Joke kung ano ang iniisip ng ibang palaka tungkol sa kaniya. Alam niya na siya ay kakaiba sa mabuting paraan. Makatutulong siya sa mga tao at makagagawa siya ng kahanga-hangang mga bagay!

"Marami akong naiisip na ideya. Hintayin ninyo at makikita ninyo kung ano ang susunod kong gagawin!"





Para sa Kalikasan

Upang mabawasan ang paggamit ng plastik, lahat ng pamilihan sa Phnom Penh ay inaatasan ng batas na pagbayarin ang mga kustomer para sa plastik na bag. Gumawa din ang pamahalaan ng kampanya para turuan ang mga tao tungkol sa hindi kanais-nais na epekto ng plastik sa ating planeta at kung paano mababawasan ang paggamit ng plastik.

Para sa karagdagang impormasyon, magbisita sa:

<https://plasticfreecambodia.com/individuals/>

<https://youtu.be/Wyt3H0XGThM>

Karagdagang impormasyon tungkol sa

kapaligiran ibinigay ng Conservation
International sa pakikipagtulungan sa
The Asia Foundation.



Suportado ng Smart



ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was reviewed by Nora J. Laguda, Education Program Supervisor in Filipino and was approved for publishing by the Department of Education Region V - Bicol Learning Resource Management Section (LRMS) of the Curriculum and Learning Management Division (CLMD).

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org


Original Story

Ang Matalinong Palaka (*The Clever Frog*). Author: Sat Dich.

Illustrator: Sorn Srey Neang. Editor: Buth Sonrin, Butt Sophal.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2019. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Nita Perez , Reynald Ocampo, Louise Ian DL. Aquino, Marlene De Guzman, Jenifer Caballero, and Soledad U. Fabian